

# Ina prevenziun perspiciosa

## La BCG lantscha in fond da prevenziun cun ina quota d'acziun flexibla

**Cuira, il 1. da november 2017 – La prevenziun privata vegn pli e pli impurtanta. Il nov fond da prevenziun da la Banca Chantunala Grischuna (BCG) porscha meglras schanzas da rendita che contos Spargnar 3 convenziunals e pussibilescha avantatgs fiscals. Il fond investescha en tut il mund en fonds da la banca administrads activamain sco er en products dad index da tut las classas d'investiziun.**

Il tschains da contos Spargnar 3 è sin in minimum istoric. «Investiziuns da vaglias èn predestinadas per la prevenziun pervia da lur schanzas da rendita», di dr. Martina Müller-Kamp, manadra Investment Center BCG. Cun ina strategia d'investiziun dinamica senza quotas d'acziun u d'obligaziun inflexiblas ed ina ristga controllada pon ins cuntanscher a lunga vista ina rendita surproporzionala. Il medem mument profiteschon investiders d'avantatgs fiscals reglads legalmain per spargnar en la prevenziun liada 3a.

### Dapli segirezza grazia al management da ristgas

Il management da ristgas cumprovà da la BCG è la basa per fixar la quota d'acziun optimala. Il sistem mesira mintga di a maun da divers facturs la ristga dal martgà. Sche quella cuntanscha in cunfin critic, vegn la quota d'acziun adattada immediat. Uschia pon vegnir reducidas eventualas sperditas da facultad. Il fond da prevenziun BCG pon ins surpigliar suenter la pensiun senza taxas e custs e senza reduziun da la ristga en il deposit regular.

### Ina quota d'acziun flexibla per ina strategia d'investiziun optimala

Il nov fond da prevenziun BCG s'orientescha a las relaziuns dal martgà. L'impurtanza da las singulas categorias d'investiziun po sa midar correspudentamain. La quota d'acziun resta però limitada sin maximalmain 50 pertschient e la quota en valuta estra sin 30 pertschient. En cas da turbulenzas sin las bursas vegnan categorias d'investiziun cun grondas fluctuaziuns sco p.ex. acziun tendenzialmain reducidas en favur da furmas d'investiziun pli constantas.

Enfin la fin da schaner 2018 po il fond vegnir segnà senza ina cumissiun d'emissiun. Ulteriuras infurmaziuns en connex cun il fond da prevenziun BCG sut [gkb.ch/vorsorgefonds](http://gkb.ch/vorsorgefonds).

### Contact per ils collavuradors da medias:

Banca Chantunala Grischuna, Medias & Investor Relations, chascha postala, 7001 Cuira  
Thomas Müller, [thom.mueller@gkb.ch](mailto:thom.mueller@gkb.ch), telefon +41 81 256 83 11

La Banca Chantunala Grischuna sin:

[gkb.ch/medien](http://gkb.ch/medien) | [Twitter](#) | [Facebook](#) | [YouTube](#) | [Flickr](#) | [Xing](#)

---

#### Banca Chantunala Grischuna – il leader en il Grischun

La Banca Chantunala Grischuna porscha tut quei ch'è d'ovra per ina banca universal moderna – per personas privatas, l'economia ed il maun public. La banca occupa 993 collavuraturas e collavuradors (stadi dals 30-06-2017). En il chantun Grischun cun sias numerusas vals e pliras linguas, è l'interpresa represchentada cun 58 agenturas, la sedia principala sa chatta a Cuira. La Banca Chantunala Grischuna è participada a la Banca Privata Bellerive SA a Turitg ed a la Albin Kistler SA a Turitg. En il rendaint semestral preschenta ella cun ina summa da bilantscha da CHF 24,5 milliardas in gudogn dal concern da CHF 98,7 milliuns. Il scrit da participaziun BCG è quotà a la bursa dapi ils 10 da settember 1985.

#### Disclaimer

Las indicaziuns davart il fond da prevenziun BCG servan exclusivamain ad intents da reclama e betg a la cussegliaziun d'investiziun. La basa per acquistar fonds da Swisscanto èn ils documents publicgads sco prospectus inclusiv il contract dal fond e/u infurmaziuns d'investiziun impurtantas (KIID) sco era rapport da gestiun. Quels pon ins retrair gratuitamain sin [gkb.ch/vorsorgefonds](http://gkb.ch/vorsorgefonds) sco era sin palpiri tar Swisscanto Fondsleitung AG, Bahnhofstrasse 9, 8010 Turitg.

---